

Ka rerekē ake ngā pahi o te Hibiscus Coast

Me wātea tō tuku kōrero mō tekōtuinga tūmatanui hōu kawē tāngata i te Hibiscus Coast

Ka huakina ngā kōwhitinga kōrero mai i te 14 o Hōngongoi ki te 14 o Here-turi-kōkā 2014

He ahunga atu ki te kōtuinga tūmatanui kawē tāngata hōu mō Tāmaki Makaurau

A ngā tau tata nei, tērā a Auckland Transport te anga atu ki tētahi kāpuinga kōtui tūmatanui kawē tāngata ngāwari ake mō Tāmaki Makaurau.

Ka hora i konei he kōtuinga hōu mō ngā pahi, ngā tereina me ngā waka tere moana e tahuri ai te āhua hūnuku haere a te iwi – tae atu ki te tohi wāhi motuhake e meinga ai ētahi pāhihi me māwhiti te haerenga. Ko te hua, he āhei nō te Kōtuinga Hōu ki te whāriki tikanga e māmā ake ai te hāereere ki te nuinga atu o te tāone, e pai ake ai ngā mahi kawē tāngata tūmatanui mō te whānui atu o ngā aro hāereerenga.

Ko te tūhonohono tonu o ōna hapori te hua o tēnei mō te Hibiscus Coast. Tērā he ratonga pahi hōu te toko ake mō Millwater me Ōrewa ki te Uru. I waenga i Ōrewa, Silverdale me Whangaparāoa ka honohono atu te hāereerenga a ngā pahi, kia māmā ake ai te tae atu ki ōna hau kāinga ake. Ka pai noa ake te urunga ki te Raki Paewhenua me te Pokapū tonu o te Tāone Nui o Tāmaki Makaurau ka tōia atu ana te Northern Express ki te teihana ara pahi hōu i Silverdale. He takiwā whakatipu a te Hibiscus Coast, koia mātou te whakahōu tonu ai i ngā ara haerenga o ngā pahi kia whai pānga tonu ai ki ngā hapori hōu te hua ake.

Ka pānui ana koe i ngā whakarerekētanga, kia ū ki te whakaaro i mahi nui mātou ki te waihanga kōtuinga pai rawa atu mō te Hibiscus Coast me te aro tonu ki te pūtea penapena. Me tāu tautoko mai, ko tō mātou tūmanako, he whakapai ake i ngā ara haerenga pahi. Nō reira, mena kei te Hibiscus Coast tō kāinga noho, wāhi mahi, ako, tākaro rānei, **koinei te wā e āhei ai tō tuku kōrero mō ngā mahi kawē tāngata tūmatanui o Tāmaki Makaurau mō āpōpō ake nei.**

Ā hea whakaritea ai ngā tikanga hōu nei?

Ka huakina ngā kōwhitinga kōrero mō te kōtuinga hōu o te Hibiscus Coast mai i te Rāhina 14 o Hōngongoi ki te Rāpare 14 o Here-turi-kōkā 2014.

Kua whakaritea kia kiko ēnei whakarerekētanga moata i te tīmatanga ki te weheruatanga o te tau 2015. Ka hora he pānui whānui hei kawē kōrero ki te iwi i mua i te tokanga o ēnei whakaritenga hōu. Ka puta hoki ngā wātaka hōu i mua atu kia āhei ai te whakaritengā pāhihi i ā rātou taki haerenga.

Me pēhea te kimi kōrero atu?

Whakapā atu ki a www.AT.govt.nz/NewNetwork mō ētahi atu kōrero e hāngai ana ki te Kōtuinga Hōu mō te Hibiscus Coast me ētahi wāhi o Tāmaki Makaurau mai i ngā mapi ki

ngā rīpene ataata. Ka āhei hoki tō tango atu i te puka nei i te reo Māori, te reo Hainamana me ētahi atu āhua kei te wātea mai.

Hei kōrero ki tētahi o ngā māngai o Auckland Transport, toko ake ki tētahi huinga tāngata (tirohia ngā whakarite kei tēnei puka), e wāea mai rānei ki tō mātou pokapū whakautu i (09) 366 6400, ki te wāea kore utu rānei 0800 10 30 80.


He aha mātou i whakarerekē ai i te kōtuinga tūmatanui kawē tāngata o Tāmaki Makaurau?

Ināia tonu nei, he mea whiwhi tonu te kōtuinga tūmatanui kawē tāngata o Tāmaki Makaurau, me te kore e au tonu i ētahi wā. Pērā anō i ētahi atu tāone nunui, he mea āta whakarerekē ōna āhuatanga he wāhanga noa ia wā puta noa i ngā tau kua hori.

Nā te toro atu ki te aromātai katoa me te waihangā hōu i te kōtuinga tūmatanui kawē tāngata o Tāmaki Makaurau, i āhei ai tā mātou whakapai ake i ia takiwā, i a mātou e whakatika ana i ngā raru taketake o te kōtuinga katoa o ināia tonu nei. Me māia tonu ngā whakarerekētanga mehemea ko te hua he whakahaerenga pai ake, hei rongoa i te tupu tonu o Tāmaki Makaurau, kia oti ai te waihangā kawenga tāngata tōtika e tae ai te hunga o Tāmaki Makaurau ki te wāhi e hiahia ana rātou.

Ngā mātāpono o te Kōtuinga Hōu

Ko te Kōtuinga Hōu e whakaarotia nei he mea waihangā i runga mātāpono kua tū noa mai i ētahi o ngā tāone nunui o Amerika me Ūropi, he kōtuinga rahi tonu ngā whakahaere, me waihangā kia takitahi te mahi nā te māmā o ngā tūhononga.



Ko ngā whakahaere o te Kōtuinga Hōu ka pūputu, ka tūhonohono, ka aro ki te wā kāinga, ki te wā e poke ai te tangata. Kua tākina te Kōtuinga Pūputu ki ngā kāinga noho pātata ki te puku o Tāmaki Makaurau mā ngā ara matua tonu, ka rere ngā pahī me ngā tereina ia 15 meneti mai i te 7am ki te 7pm, whitu rā i te wiki, ka pūputu iho i waho i ēnei tāima. Ko ngā whakahaere tūhonohono, wā kāinga ake, me te wā e poke ai te tangata ka hora ki te whānuitanga atu o Tāmaki Makaurau, tae atu ki te Hibiscus Coast, e tūhono atu ai ki te Kōtuinga Pūputu, kia wāhi tonu atu ai hoki ki ngā kawenga tāngata tūmatanui puta noa i te rohe.

Nā te nui tonu o ngā whakarerekētanga, i āta wehewehea ngā tokonga kōrero me te whakatinanatanga o te Kōtuinga Hōu ki ōna ake wāhanga. I tērā tau ka taki kōrero mō Tāmaki Makaurau ki te Tonga, mai i te Rāhina 14 o Hōngongoi ki te Rāpare 14 o Here-turikōkā ka taki kōrero mātou mō te Kōtuinga Hōu o te Hibiscus Coast.

He utu haerenga kotahi

Kia pai ake ai te tautoko i te māwhitiwhiti noa i waenga whakahaere, kei te arohia e mātou te whakaurunga mai o tētahi pūnaha Utu Haerenga Kotahi mai i te weheruatanga a nga atu ki te paunga o te tau 2015. Hei wāhanga tonu i te Utu Haerenga Kotahi ka whakauruhia e mātou he tikanga utu ā-rohe e āhei ai te whakatau utu i runga i te rahi o ngā rohenga ka pahure koe i tō haerenga. He takinga kōrerorero motuhake ka tū puta noa i te rohe i mua i te whakamanatanga o te pūnaha utu hōu.

He aha te hua o tēnei mō te Hibiscus Coast?

Ngā tino hua

- Ka maha atu ngā pahi ki te Raki Paewhenua me te Pokapū o te Tāone Nui o Tāmaki Makaurau, mā tērā e watea pai ake ai te whānuitanga atu o te rohe o Tāmaki Makaurau.
- He ratonga pahi hōu hei tautoko i ngā kāinga hōu kei te toko ake.
- He pūputu nō te haerenga a ngā pahi i ngā rori o tōna ake takiwā.
- He kōtuinga māmā me te mārāma ake te arohia, e pai atu ai te tohu haerenga hōu mā runga kawenga tūmatanui me te whānui atu o ngā take.
- He māmā kē te hopu i tētahi atu pahi me te rahi atu o ngā wāhi hei whakataunga waka ka kake pahi ai ina tū te teihana hōu kua whakaritea mō te Hibiscus Coast ki Silverdale (tirohia ngā kōrero i raro ake nei), a te tau 2016.

Ka tōia atu te Northern Express ki te Hibiscus Coast

Ka whakaritea e mātou kia tōia atu te Northern Express te rerenga pahi aronuitia, mai i Britomart ki te taunga waka mō te Hibiscus Coast i tawāhi o te Karapu Whutupāoro o Silverdale, kia tūwhera ai he ara tere ki te Puku o te Tāone Nui o Tāmaki Makaurau. Tōna pūputu kua mētia kia rere ia 30 tekau meneti mō te rā katoa, 7 rā i te wiki, me te aha ia 15 meneti i ngā wā pokea (6am-8am me te 4.30pm-7pm, Rāhina ki te Rāmere).

He tere atu te haerenga (i waho o ngā hāora pokea) – mā te haere mā runga i te ara whānui me te Ara Pahi o te Raki, ko te haerenga mai i te taunga waka o te Hibiscus Coast ki Britomart, he 30 meneti te poto iho mā runga i te Northern Express, i tērā o te haere mā runga pahi ināia tonu nei. E hāngai ana tēnei ki ngā haerenga i waho ake i ngā hāora pokea. I ngā wā pokea (6am-8am me te 4.30pm-7pm, Rāhina ki te Rāmere) he rite ki te wā haerenga o ināia tonu nei.

He Teihana Ara Pahi hōu mō te Hibiscus Coast (Teihana HC) i te tūnga waka o nāianei

He wāhi āhuru, tau te āhua hei māwhitiwhitinga i waenga i ngā ratonga o te takiwā ake me te Northern Express ka whakatūria ki te tūnga waka o nāianei kei tawāhi atu i te Karapu Whutupāoro o Silverdale i te Ara Matua o te Hibiscus Coast. He ōrite ki te Teihana Ara Pahi o Albany, he au te noho me te tū wātea mai hoki o te teihana hōu, he mārāma hoki te kitea atu o ngā tohu pānui me tōna whai wharau hei wāhi tatari. Āpiti atu ki tērā, ka piki ake te rahi o ngā tauranga waka mai i te 100 kia tata atu ki te 500.

Ko te Teihana HC hōu tētahi o ngā pokapū kawenga matua o te Hibiscus Coast. Ka whakaritea ngā wātaka o ngā pahi ake o te takiwā kia hāngai rawa ai ki tērā mō te Northern Express.

Āhea tīmata ai ngā whakahaere o te Teihana HC?

Ko te tūmanako, ka tīmata ngā whakahaere o te teihana hōu i waenga o te tau 2016; heoi anō ka toko ake ngā whakahaere o te Kōtuinga Hōu mō te Hibiscus Coast i mua atu i tōna otinga. I te wā tonu nei, ka noho ko te taunga waka ka piki pahi tonu te wāhi, e māwhiti atu ai i ngā rerenga o te takiwā ake ki te Northern Express. Mō taua wā nei, ka whakaritea he urunga taupua me ētahi wharau ki te rori o Painton, i kō mai o te taunga waka ka piki pahi, hei whakakapinga mō te tūnga pahi i te Ara Matua o te Hibiscus Coast.

Kō tā te ringa toi whakaahua o te Teihana HC



He aha ngā whakarerekētanga e whakaarohia nei?

Anei he tirohanga whānui mō ngā whakarerekētanga e whakaarohia nei mō te Hibiscus Coast. Tirohia ngā whārangi 5-6 mō ngā mahere ā-whenua. Ka whakakapia ngā whakahaere katoa o nāianei ki te Kōtuinga Hōu.

- **He pahi ia 30 meneti i waenga i a Ōrewa me Manly**

I waenga i a Ōrewa, Silverdale me Manly ka haere he pahi ia hāwhe hāora, 7 rā i te wiki. Ka āhei tēnei mā te hononga o ngā rerenga o te N91 me te N92 e rere nei tētahi o rāua ia hāora; heoi anō rā ka whakaritea ō rāua wātaka kia hokohoko te haere a tētahi i tētahi, mā runga atu i te huarahi kotahi mai i Ōrewa ki Manly, nā reira e hāwhe haora ai te pūputu o ia haerenga.

- Mō ngā pāhihi e noho ana i waenga i Ōrewa me Waiwera, ka rere te haere mā runga i te N91 ia hāora mā Manly atu ka poka i te Teihana HC me Silverdale.
- Mō ngā pāhihi e noho ana i waenga i Manly me Gulf Harbour, ka rere te haere mā runga i te N92 ia hāora mā Ōrewa atu ka poka i te Teihana HC me Silverdale.
- Ko ngā pāhihi te haere noa ana i waenga i Ōrewa, Silverdale me Manly ka āhei te haere mā runga i te N91 i te N92 rānei, he toko tonu atu ana ki aua tūnga i taua takiwā ake.

- **Rerenga pahi hōu mō Millwater**

He rerenga pahi hōu a N95 kua whakaarohia kia wehe atu i te Puku o te Tāone o Ōrewa ki te Puku o te Tāone o Silverdale me te Teihana HC, hei kawē ake i te hapori kua tupu ki Millwater me Ōrewa ki te Uru. Ka whakahōutia tēnei ara whāinga a tōna wā, ka tupu noa ake ēnei takiwā.

- **Kia rahi atu ngā toronga haukāinga noa**

Ko te rerenga N94 mō Maygrove, he toronga ki te Waitematā DHB me te Hōhipere o Northhaven i Whangaparāoa Road i tua o Red Beach Road.

Ko te rerenga N93 (mai i ngā toa o Manly ki Silverdale mā Vipond Road me Red Beach) kua mētia hei toronga atu ki wāhi hokohoko whānui ka hangaia ki Whangaparāoa Road, i te haere kē mā Kauri Road me Tōtara Road. Ka whakahōtia anō tēnei ara haerenga ā muri ake nei hei toro atu ki ngā kāinga hōu, ka whakatūria ki te wāhi kei reira nei te papa haupāoro o Peninsula.

- **Te haere ki te Pokapū o te Tāone Nui o Tāmaki Makaurau i ngā wā pokea**

Ina nui tonu te hiahia, ka whakahaere tonuhia e mātou he pahi Express mai i Gulf Harbour me Waiwera ki Wellesley Street i te Pokapū o te Tāone Nui i ngā wā anake kei te pokea (tirohia ngā pānui wātaka kei tēnei puka mō ētahi atu kōrero). Ka haere ēnei pahi mā te Ara Pahi o te Raki, ka tū ki ngā teihana ara pahi katoa i tua atu i te Teihana o Albany.

Tua atu i tērā, ka āhei te haere a ngā pāhihi mā runga i te Northern Express mai i te Teihana HC ki Britomart, ka toro atu ana ia 15 meneti i ngā wā pokea me te whai wāhi atu ki ngā teihana ara pahi katoa tae atu ki tērā i Albany.

- **He whakamātau rerenga pahi mō Arkles Bay**

Tērā mātou te whakamātau rerenga pahi hōu mai i Arkles Bay ki Te Plaza i runga o Whangaparāoa Road. Mai i reira ka āhei te hopu a ngā pāhihi i ngā rerenga N91, N92, me te N93. Ka wātea i konei ia hāwhe hāora he rerenga pahi ki te Teihana HC hōu (me te Northern Express) ki te rahi atu o ngā urunga haukāinga hoki. Ka hua tēnei rerenga, ina kitea te kaha o tōna whakamahia, ka aromātaihia ana ia kotahi tau ki muri.

- **He whakamātau rerenga pahi mō te Gulf Harbour Ferry me te Papa Rēhia a Rohe o Shakespear**

Ka piki ana te whakamahia o te waka pāhihi tere moana mai i Gulf Harbour ki te Pokapū o te Tāone Nui o Tāmaki Makaurau, tērā mātou te whakamātau rerenga pahi, te haere mā te Papa Rēhia ā-Rohe o Shakespear me Te Plaza i Whangaparāoa hei hopu i taua waka pāhihi. Ka whaihua tēnei rerenga, ina kitea te kaha o tōna whakamahia, ka aromātaihia ana ia kotahi tau ki muri.

- **He rerenga pahi pea mō Warkworth**

Kei te tirohia ināia tonu nei, he rerenga pahi mō Warkworth. Ka uiuia motuhaketia te hunga noho kāinga o Warkworth a te Hōngongoi / Here-turi-kōkā 2014. Mō te iwi kāinga o te Hibiscus Coast e tūpono te hopu rerenga pahi ki Warkworth, mai rānei i reira, tukua mai he kōrero āpiti i runga i te puka kua tāpirihia atu nei.

He aha ngā tuku hei utu kia eke ai te kaupapa?

Hei whakapai ake i ngā mahi kawē tāngata tūmatanui puta noa i te Hibiscus Coast, tērā ētahi mea tuku hei utu kia eke ai te kaupapa:

- **Mō ngā haerenga mai i Whangaparāoa Peninsula me Ōrewa, me poka ngā pahi mā Silverdale i te tuatahi**
He rua ake te pūputu o ngā wā e tuku pahi ai mātou i tō ināiane, mā Manly atu, ki Te Plaza me Ōrewa; heoi anō ka haere ngā pahi katoa mā te Teihana HC hōu i Silverdale kua kore e haere tōtika atu mā Red Beach pērā i tā ētahi pahi ināia tonu nei. Ko te hua ka roa atu te haerenga mō ētahi o ngā pāhihi.
- **Me piki ki runga pahi kē i te Teihana HC mō te haerenga ki te Pokapū o te Tāone Nui**
Ko tā te Northern Express, he mea kia pūputu atu te haere a ngā pahi me te poto iho o te wā haere (i te wā kore pokea) ki te Pokapū o te Tāone Nui o Tāmaki Makaurau; heoi anō mō ngā pāhihi mai i te Hibiscus Coast, me piki rawa rātou i te Northern Express i te Teihana HC.
E kore e pēnei mō ngā rerenga o te 895X me te 897X te haere i ngā wā pokea mai i Gulf Harbour me Waiwera, tōtika atu ki te Pokapū o te Tāone Nui (tirohia te wātaka kei tēnei puka mō ōna kōrero ake).
- **Mō ngā haerenga ki Takapuna me māwhiti rawa ngā pāhihi i Smales Farm**
Nā te toronga atu o te Northern Express ki te Hibiscus Coast, ko ngā pāhihi e ahu ana ki Takapuna, me māwhiti ki pahi kē i te Teihana Ara Pahi o Smales Farm. He rahi tonu ngā pahi he pūputu te ahu atu i Smales Farm ki Takapuna me te Hōhipere anō hoki o te Raki Paewhenua. Tirohia te mahere whakatau haerenga i www.AT.govt.nz mō ngā whiringa te āheitia atu.
E meinga ana, ahakoa ina āpitihia te wā mō te piki mā runga pahi kē, ka poto iho te wā haerenga mai i te Hibiscus Coast ki Takapuna, i tērā o te haere mā te rerenga te poka atu mā te ara matua o Dairy Flat o ināia tonu nei.
- **Ka haere kē ngā pahi mā te Ara Whānui i te haere kē mā te Ara Matua o Dairy Flat me te Pokapū o Albany**
Nā te mea kei te whakarahia ake e mātou te pūputu o te haere a ngā pahi mā te ara whānui, kei te aro mātou ki te whakaiti iho i ngā rerenga pahi mai i Silverdale ki Albany mā te pokanga atu i te ara matua o Dairy Flat. Ka ahu noa atu ngā pahi mā te ara matua o Dairy Flat i waenga i ngā wā pokea anake (7am-8am me te 4pm-6pm, Rāhina ki te Rāmere). Ka haere tonuhia, ka hokia ake tēnei ara e te rerenga nei.
Ngā pāhihi e haere ana ki te pokapū o Albany, ki te Whare Wānanga rānei o Massey me māwhiti ki pahi kē i te Teihana o Albany. Tirohia te mahere whakatau haerenga i www.AT.govt.nz mō ngā whiringa te āheitia atu.
- **He kōtuinga māmā ake, engari mō te hunga ruarua nei he paku tawhiti ake te hīkoi ki tētahi tūnga pahi**
Tata kapi tonu ngā tiriti katoa he rerenga pahi e ahu pērā ana ka mau tonu; heoi anō, tērā te ngaro o ngā rerenga i ētahi o aua tiriti. Koia ēnei: Ko Bay Vista Drive, Albert Hall Drive, Kauri Road, Totara Road, me Gulf Harbour Drive (i waenga i Whangaparāoa Road me Laurie Southwick Parade), ko Hatton Road, Denham Way

me Lakeside Drive (kōtata mai i McGowan Place). Ko te hīkoi ki tētahi atu tūnga pahi e kore e neke atu i te 400 mita mō te nuinga.

He aha ngā mea kāhore mō tēnei kōwhiringa kōrero?

- Ka whakapikihia ngā rerenga Waka Moana o Gulf Harbour ki te 12 rerenga ia rā, me te aha, kāhore ōna wāhi ki tēnei kōwhiringa kōrero.
- Kāhore ngā pahi kura o te Hibiscus Coast i roto i ēnei kōwhiringa kōrero. Ina mātaihia ngā pahi kura ā-muri ake nei ka whiwhirihia tērā me ngā kura whai pānga.


Ngā tūnga pahi e whakaarotia ana me kati

He ruarua nei ngā tūnga pahi ka katia te rerenga atu. Ko ngā tiriti ka katia ngā tūnga pahi ko: Bay Vista Drive, Albert Hall Drive, Kauri Road, Totara Road, me Gulf Harbour Drive (i waenga i Whangaparāoa Road me Laurie Southwick Parade), ko Hatton Road, Denham Way me Lakeside Drive (kōtata mai i McGowan Place).

Ka tirohia anō ngā wāhi hei tūnga mō ngā pahi ka rite kau ana te Kōtuinga Hōu.

Mahere a Whenua Kōtuinga Hou mō te Hibiscus Coast

Mō te whakaranga ake o te mahere nei tirohia te puka kōwhiringa kōrero reo Pākeha, i runga i te ipurangi rānei i www.AT.govt.nz/NewNetwork.



Ngā rerenga pahi e mētia ana mō te Hibiscus Coast

He whakaritenga noa ngā wā rerenga nei, tērā te whakarekētia nā runga i ēnei kōwhiringa kōrero.

Nama	Ara haerenga	Pūpututanga	Wāhi wehenga	Pahi tuatahi, pahi mutunga	Wāhi wehenga	Pahi tuatahi, pahi mutunga
NEX	Northern Express Teihana HC ki Britomart mā ngā Teihana Ara Pahi katoa	la 30 meneti la 15 meneti i ngā wā pokea <i>Te roa o te wā haere e metia ana, kei waenga i te 40-45 meneti i te wā kore pokea)</i>	Teihana HC	Rāhina - Rāmere: 5.30am, 10.30pm Rāhoroi: 6.30am, 10.45pm Rātapu me ngā Hararei Tūmatanui: 7.00am, 9.15pm	Britomart	Rāhina - Rāmere: 6.00am, 11.30pm Rāhoroi: 7.00am, 11.30pm Rātapu me ngā Hararei Tūmatanui: 7.30am, 10.00pm
N91	Waiwera ki ngā toa o Manly mā te Teihana HC me Siverdale	la 60 meneti	Waiwera <i>*Pahi mutunga mai i Waiwera</i>	Rāhina - Rāmere: 5.28am, 7.30pm* (10.30pm pahi mutunga anake mai i Ōrewa) Rāhoroi: 8.30am, 6.30pm* (6.30am, 10.30pm pahi tuatahi, pahi mutunga mai i Ōrewa anake) Rātapu me ngā Hararei Tūmatanui: 8.30am, 6.30pm* (7.30am, 9.30pm pahi tuatahi, pahi mutunga mai i Ōrewa anake)	Ngā Toa o Manly <i>*Pahi mutunga ki Waiwera</i>	Rāhina - Rāmere: 6.00am, 6.00pm* 10.00pm ki Ōrewa anake) Rāhoroi: 7.00am, 6.00pm* (7.00am, 10 pahi tuatahi, pahi mutunga mai i Ōrewa anake) Rātapu me ngā Hararei Tūmatanui: 9.00am, 6.00pm* (7.00am, 9.00pm pahi tuatahi, pahi mutunga mai i Ōrewa anake)
N92	Ōrewa ki Gulf Harbour mā Teihana HC me Silverdale	la 60 meneti	Ōrewa	Rāhina - Rāmere: 5.10am, 10.10pm Rāhoroi: 7.10am,	Gulf Harbour	Rāhina - Rāmere: 5.20am, 10.20pm Rāhoroi: 7.20am, 10.20pm Rātapu me ngā Hararei

				10.10pm Rātapu me ngā Hararei Tūmatanui: 7.10am, 9.10pm		Tūmatanui: 7.20am, 9.20pm
N93	Ngā Toa o Manly ki Teihana HC mā Vipond Road, Red Beach me Silverdale	la 60 meneti, ia 30 meneti i te wā pokea	Ngā Toa o Manly	Rāhina - Rāmere: 6.15am, 7.50pm Rāhoroi: 6.50am, 7.50pm Rātapu me ngā Hararei Tūmatanui: 6.55am, 6.55pm	Teihana HC	Rāhina - Rāmere: 6.30am, 8.30pm Rāhoroi: 6.30am, 8.30pm Rātapu me ngā Hararei Tūmatanui: 7.30am, 7.30pm
N94	Ōrewa ki Teihana HC, mā Maygrove, Red Beach me Silverdale	la 60 meneti	Ōrewa	Rāhina - Rāmere: 8.50am, 4.50pm Rāhoroi: 8.50am, 4.50pm Rātapu me ngā Hararei Tūmatanui: 10.00am, 4.00pm	Teihana HC	Rāhina - Rāmere: 9.30am, 4.30pm Rāhoroi: 9.30am, 4.30pm Rātapu me ngā Hararei Tūmatanui: 9.30am, 3.30pm
N95	Ōrewa ki Teihana HC mā Millwater me Silverdale	la 60 meneti	Ōrewa	Rāhina - Rāmere: 6.25am, 7.25pm Rāhoroi: 7.25am, 7.25pm Rātapu me ngā Hararei Tūmatanui: 8.30am, 6.30pm	Teihana HC	Rāhina - Rāmere: 8.00am, 8.00pm Rāhoroi: 8.00am, 8.00pm Rātapu me ngā Hararei Tūmatanui: 8.00am, 7.00pm

He rerenga tāpiri mō ngā wā pokea (Rāhina ki te Rāpare anake)

Nama	Ara Haerenga	Wāhi Wehenga	Te Wā	Wāhi Wehenga	Te Wā
895X	Waiwera ki te Pokapū o te Tāone Nui (Wellesley St) mā te Teihana HC <i>Kāre e peka mā te Teihana o Albany</i>	Waiwera	Toru haerenga ia ata: 6.40am, 7.10am, 7.40am	Pokapū o te Tāone Nui (Wellesley Street)	Toru Haerenga ia ahiahi: 4.15pm, 4.45pm, 5.15pm
897X	Gulf Harbour ki te Pokapū o te Tāone Nui (Wellesley St) mā te Teihana HC <i>Kāre e peka mā te Teihana o Albany</i>	Gulf Harbour	Whitu haerenga ia ata: 6.00am, 6.20am, 6.40am, 6.50am, 7.00am, 7.10am, 7.20am	Pokapū o te Tāone Nui (Wellesley St)	Whitu haerenga ia ahiahi: 4.00pm, 4.20pm, 4.40pm, 5.00pm, 5.10pm, 5.20pm, 5.40pm
N96	Teihana HC ki te Teihana o Albany mā te ara matua o Dairy Flat	Teihana HC	Toru haerenga ia ata: 7.00am, 8.00am, 9.00am Whā haerenga ia ahiahi: 3.00pm, 4.00pm, 5.00pm, 6.00pm	Albany Station	Toru haerenga ia ata: 7.30am, 8.30am, 9.30am Whā haerenga ia ahiahi: 3.30pm, 4.30pm, 5.30pm, 6.30pm

Rerenga whakamātautau (Rāhina ki te Rāpare anake)

Nama	Ara Haerenga	Wāhi Wehenga	Te Wā	Wāhi Wehenga	Te Wā
N97	Arkles Bay ki Te Plaza (Rerenga hurirapa)	Te Plaza	Whitu haerenga: 7.35am, 9.35am, 11.35am, 1.35pm, 3.35pm, 4.35pm, 5.25pm	N/A	N/A

N98	Gulf Harbour Ferry ki Te Plaza mā te Papa Rēhia ā-Rohe o Shakespear	Gulf Harbour	Ono haerenga: 8.30am, 10.30am, 3.30pm, 5.30pm, 6.30pm, 7.30pm	Te Plaza	Ono haerenga: 5.50am, 6.50am, 7.50am, 9.50am, 2.50pm, 4.50pm
-----	---	--------------	---	----------	--

Me pēhea koe e whai kōrero ai

E hiahia ana mātou ki te mōhio mehemea he whai take tonu ki a koe te Kōtuinga Hōu e whakaarotia nei. Tēnā koa, tukua mai ō whakaaro mā te aromātai i te rerenga hōu kei te mahere ā-whenua nei, mā te whakahoki kōrero mai mā runga i tētahi o ngā awa tuku e mau ake nei.

Kia mahara, me whakahoki mai ō kōrero i te reo pākeha.

- Mā te whakakī i te puka PŌHĪ KORE UTU kua tāpirihia atu ki te puka kōwhiringa kōrero reo Pākeha, ka whakahokia pōhī mai ai ki a mātou.
- Mā te whakakī i te puka whakahoki kōrero i runga ipurangi i www.AT.govt.nz/newnetwork
- Mā te haere ki tētahi hui ka whakakī puka whakahoki kōrero ai
- Mehemea he kāpo koe, he uaua rānei mōu ki te whakakī puka na tō hauātia, wāea mai ki a mātou i (09) 366 6400 i runga wāea kore utu 0800 10 30 80 rānei ka tāea e ā mātou kaimahi i te pokapū te whakakī he puka i runga i tō mana.

Me pēhea e whai hua ai ō kōrero?

He mea nui tonu ō kōrero ki a mātou, ka kōwhirihia me te rahinga atu o ngā whakaaro ka hua, (pērā i te waihanga wātaka, te rahi o ngā pahi ka arohia me ngā aukati ā-rori noa). He tokanga nui nā mātou, tērā te pai ake o te kōtuinga mutunga nā nō whai wāhi mai.

He mea nui tonu kia meinga mai e koe he aha ngā mea ka mahi, tae atu ki ngā mea hei whakarerekē mā mātou, nā te mea ina tōtika ngā whakahoki kōrero mai, ka pai kē atu ā mātou whakatau.

Ka oti ana te aromātai i ō whakaaro, ka whakaritea e mātou he whakarāpopototanga kōwhiringa kōrero, ka tukua atu he kape ki te hunga katoa i tuku whakaaro mai, ka wātea mō te tiki atu hoki i runga i tā mātou ipu tukutuku. Katahi te kōtuinga kawē tāngata tūmatanui mutunga mō te Hibiscus Coast ka whakamanahia, kua whakaritea hoki kia whakarewahia ngā whakarerekētanga nei, mai i mua pea i te weheruatanga o te tau 2015.

Ngā Hui

Kia mōhio koe ki ētahi atu kōrero me tō āhei kōrero ki tētahi o ngā māngai o Auckland Transport haere mai ki tētahi o ngā hui pātata ki a koe.

Te Rā	Te Wāhi	Te Wā
Rātapu 20 o Hōngongoi	Ōrewa Farmers Market Kokonga o te ara matua o Hibiscus Coast me Florence Avenue, Ōrewa	8.00am-12.30pm
Raapa 23 o Hōngongoi	Ōrewa Public Information Afternoon Ōrewa Community Centre, 368 Te Ara Matua Hibiscus Coast, Ōrewa	2.00pm – 7.00pm
Rāhoroi 26 o Hōngongoi	Silverdale Public Information Day St Johns Ambulance Hall, 36 Silverdale St, Silverdale	8.00am-1.00pm
Rāhoroi 26 o Hōngongoi	Whangaparāoa Library Drop In Day 9 Main St, Whangaparāoa	10.00am-1.30pm
Rātapu 27 o Hōngongoi	Hobbs Wharf Markets The Anchorage, whati mai i Pinecrest Drive, Gulf Harbour	10.00am-2.00pm
Rāhoroi 9 o Here-turi-kōkā	Ōrewa Library Drop in Day 12 Moana Ave, Ōrewa	10.00am-2.30pm
Rāhoroi 9 o Here-turi-kōkā	Promo Stand 58 Queen St (i waho o Gaby's), Warkworth	10.30am-2.00pm

Te AmBUSador! Anei ko te Pahi Kawe Kōrero Kōtuinga Hōu

I waenga i te 14 o Hōngongoi me te 14 o Here-turi-kōkā, kia mataara ko te Pahi Kawe Kōrero mō te Kōtuinga Hōu. He kōrero me te whakaaturanga kei runga, he mātanga nā Auckland Transport hei kōrero atu māu, he wāhi noho hoki hei whakakī māu i te puka tuku kōrero.

Tirohia te ipurangi i www.AT.govt.nz/newnetwork kia kite ai koe āhea te AmBUSador haere atu ai ki tētahi wāhi pātata atu ki a koe.

Ngā pahi te pahure mā Silverdale

Tirohia ngā mahere ā-whenua i raro nei kia kitea ai te ahunga o ngā pahi te pahure mā Silverdale e whakaarotia ana.

Kia noho āhuru ai ngā rori, kāhore e huri matau te puta atu a ngā pahi i Silverdale Street, i Wainui Road rānei. Koiane te take ka poka te haere a ngā rerenga o N91 me N92 mā te Teihana HC hōu (te whakataunga ka piki pahi o ināiane) i te tuatahi i mua i te taenga ki te Pokapū o te Tāone o Silverdale, i te ahunga atu me te hokinga mai rānei a te rerenga nei.

Mō ētahi atu o ngā rerenga o te takiwā ake, pērā i te N93, N94 me te N95 ka tau kē atu ki te Pokapū o te Tāone o Silverdale i te tuatahi, ka anga atu ai ki te Teihana HC.

Ā muri ake nei

He rori hōu kei te whakaarotia mai i Curley Avenue ki Brian Smith Drive e āhei atu ai ngā pahi katoa e anga atu ana me te hoki mai, kia uru ki te Teihana HC me te Pokapū o te Tāone o Silverdale, te ahu atu me te hokinga ake. Ka haere ngā pahi katoa mā tēnei rori hōu, kua e haere mā te ara matua o te Hibiscus Coast i waenga i Whangaparāoa Road me East Coast Bay Road, kei te āhua o te tahua pūtea, ko te tūmanako ka hāngaia tēnei rori i roto i ngā rima tau e tū mai nei.

Ngā ara pahi KI: Teihana HC (Silverdale Park and Ride)



Ngā Ara Pahi MAI I: Te Teihana Hibiscus Coast

